

اداره خانه سی باب عالی جاده سنده
۵۲ نومرولو « شرکت مرتبیه »
مطبعه سیدر.

استانبول ایچون سنه لکی مطبعه دن
آلنق شرطیله ۴۰، طبره لره پوسته
اجرتیله برابر ۶۰ غروشدر.

مَعَالِيكَ

امور تحریر بہ ایچون فواد بک
وامور ادارہ ایچون آرتین افندیہ
مراجعت اولنور۔

مسلمزمہ موافق آثار قبول اولنور .
درج ایدلین اوراق اعاده اولماز .

نسخہ سی ۱۰ / فروش

پنجشنبہ کوئٹہ نشر اول نور ادبی، فنی و صناعی غزتہ در

نسخہ سی ۱ فروش

وطاتلی پاتاس (قونولولوس پاتاسی) پک چوقدر . علی الخصوص خزمانک متسد جنسلی، ماله زلره یاپورک باشلیجه ماکولا- تندن اولان وساغو دینیان خرما آغاجی مینولدر . ماله زلر وچینلیلر، هندولره شمالی آسیا اقوامی کبی برنج زرع واکل ایدرلر ؛ چین سکنه سی زراعت ایله مشغول ایسدرده حقیقت حالده مختلف نباتات و حیوانات ایله تعیش ایتمکده درلر ؛ دوموز ، فاره ، میون ، تمساح ، مرکب بالی ، قیرلانچ قوشی یوواسی او طرفده اک مقبول اغدیه دندر . اسکی مونغوللرک باشلیجه مشغول اولدقلری چوبانلق بوکون چینلیلر نزدنده اک مکروه برصعندر . سودجیلک ده نظر نفرتله کورولور ؛ یالکز چین اطباسی اختیارلعه قارشى قادین سودینی توصیه ایتدکارندن ، بزم آکلایامادیغمز غریب بر سودجیلکی چینلیلر پک اغلا بیلیرلر .

نسلاً چینلیلرک اقرارندن اولان مونغوللر - که شمالی آسیانک واسع و منبت اووالرنده ، یابلالرنده کوچه حالنده یاشارلر - زراعت بونلر نزدنده کلیاً مجهولدر . بونلر قویون اتی و سودیله ، علی الخصوص مختلف صورتده احضار ایدیلن قیسراق سودی وتره یاغیله تعیش ایتمکده درلر .

دهاشمالده ساکن قاشقاققالیلر و ساه وئدلر کبی شبه مونغوللر ، هم جنسلی اولان آریقا اسکیولریله آوروپاده بولنان لاپونیالیلر طرزنده فوق وبالینا بالقلریله و سود ویک اتیله یاشارلر . او طرفلرده کوکلی نباتات بوق حکمنده در . یالکز زهرلی برنوع مانطار حاصل اولور ، که یریلر بوندن برمایع مسکر چیقاریرلر . بونلره فن مجت البشرده آکل السمک نامی ویریلر ؛ باشلیجه خاویار ایله تعیش ایدرلر .

آسیاده عرق ابیضه منسوب اولان اقوام ایله آریلر و سامیلر یالکز هندستانک شمال طرفلرینه و افغانستان ، ایران ، اناتولی

و عربستان قطعه لرینه مستولی اولمشلردر . بوقطعه وسیعنه ک اقسام سائره سی عرق اصفره منسوب اقوام ایله مستوردر . عرق ابیضک ساکن اولدینی قطعاً بولنان اهای اوروپاده یتیشن حبوبات و حیوانات اهلیه ایله تعیش ایدر . بویله اولمقده پک طبیعیدر : چونکه آسیانک بو طرفلریله آوروپا آراسنده یالکز جغرافیا نقطه نظرندن بر فرق کورولور . دهها طوغروسى اوروپا قطعیه سی شرقدن کان مهاجرلره مسکوندر . آسیادن هجرت ایدن بو اقوام قدیمه مملکتلرنده چیقان حبوباتی و حیوانات اهلیه لرینی برابر کتیرمش اولدقلرندن بونلری بو طرفلرده یتشدیر- مشلردر . یالکز رهن تعبیر اولنان کیکلر ایله بعض اهمیتسز نباتات و حبوباتی شو حالدن استثنا ایدمیلیرز . اوروپاده بولنان حیوانات اهلیه جنسلی اعتباریله پک چوق تغیراته اوغرامشلردر . بونلرک بعضلری (آت ، اوکوز وکچی کبی) ایوم بتت یابلالرنده حال وحشده یاشارلر . موسیو پرده والسکی بوراده یابانی دومیه بیله تصادف ایتدیکنی سویلر . افغانستادن اعتباراً غربه طوغرو کیدیلیرسه اوروپایه مخصوص اولان نباتات و اشجار ثمره و حبوبات و حیوانات اهلیه یه همان هر یرده تصادف ایدیلیر . بورالرده انسانلر علی العموم زراعتله و یتشدیردکاری اهلی حیوانات ایله تعیش ایدرلر . کشمیرده اوروپاده نشوونما بولان نباتات و چچیکلرک ، اشجار ثمره نك همان کافه سی موجوددر .

آسیاده عرق ابیضه منسوب اولان اقوام زراعتله تأمین حیات ایتمکده درلر .

مسین مظم

باروده شهری حقننده معلومات

کچلرده شهر شهر مزى وبالخاصه ذات اقدس جناب جهانبانی زیارت ککش اولان (غایقوار) حضرتلرینک ایوم اجرای حکومت ایتمکده اولدقلری (باروده) شهری حقننده بعض معلومات اعطاسی فائده دن خالی اولماغله بوجه اتی عرض اولور :

هندستانک شمال غربیسنده (کوچرات) نامیله موسوم شبه جزیریه تشکیل ایدن (بارود) حکومتک مرکز اداره سی اولان (باروده) شهری (قامبای) کورفری منتهاسنده و (بومبای) ک (۳۷۰) کیلومتره شمالنده واقع اولوب هواسی اولدقجه و خیدر . شهر داخله ویکدیگرینه قائماً ایکی بیوک جاده ایله درت محله یه تقریق ایدلش اولوب خانلری هر نقدر غیر منتظم بر حالده ایسده . موجود اولان برخیلی آثار عتیقه ایله معبدلری و خسته خانلری شهرک تزینانته خدمت ایتمکده در . جوارده صو منبعلری بولمغدیغندن شهرک داخلنده اهالینک احتیاجاته کافی بیوک وکنیش صو صهرنجلری موجوددر . شهر مذکورک ۱۸۷۱ سنه سننده کی نفوس موجوده سی ۱۰۲,۰۵۷ دن عبارت اولوب بونلردن ۱۹,۱۲۸ ی اسلام و ۸۲,۹۲۹ ی پتپرستدر . اشبو نفوسک مقداری ۱۸۸۱ سنه سننده ۱۰۱,۸۱۸ راده سنه تنزل ایتمشدر .

سلیانه آصف

